

ROLEX



M

MICHELSEN

ÚRSMÍÐIR SÍÐAN 1909

Laugavegur 15 - 101 Reykjavík - 511 1900 - www.sviss.is

MARKAÐURINN

Sögurnar... tölurnar... fólkíð...

Græna prentsmíðjan

GUDJÓNÓ

VISTVÆN PRENTSMÍÐJA

Sími 511 1234 • www.gudjono.is

Miðvikudagur 1. apríl 2009 - 13. tölublað - 5. árgangur

Veffang: visir.is - Sími: 512 5000

Orð í belg
Um afnám verðtryggingar og hafta



Hryðjuverkin trufluðu
Einkavæðingin fór út af sporinu



Vikuleg vefráð
Er vefsíðan leitarvélervæn?



Áfram fundað um IceSave

Hreinskiptnar og uppbyggilegar viðræður um óleyst úrlausnar-efni og tvíhliða samskipti Íslands og Bretlands áttu sér stað á fundi Össurar Skarphéðinssonar utanríkisráðherra og Davids Miliband, utanríkisráðherra Breta, í London í gær, að því er segir í tilkynningu.

„Ráðherrarnir sammæltust um að ljúka viðræðum vegna IceSave, með öðrum hlutaðeigandi aðilum, á ásættanlegan hátt fyrir báðar þjóðir, eins fljótt og kostur er. Viðræðunefndir undir forystu fjármálaráðuneyta þjóðanna munu fylgja fundi utanríkisráðherranna eftir,“ segir þar jafnframt. - óká

Unnið úr tillögum Jännäris

Stofnaður verður starfshópur til að vinna úr tillögum Kaarlos Jännäris, finska bankasérfræðingsins sem á mánudag kynnti skýrslu um reglur og eftirlit með bankastarfsemi hér.

Fjallað var um skýrsluna á ríkisstjórnarfundum í gærmorgun. Tillögur til úrbóta í skýrslunni eru í átta liðum. „Ríkisstjórnin fagnar vinnu Jännäris og hefur ákveðið að skipa starfshóp til að vinna úr ábendingum hans svo hrinda megi skynsamlegum tillögum í framkvæmd sem fyrst. Hópurinn verður skipaður fulltrúum þriggja ráðuneyta og á að skila ríkisstjórn tillögum eigi síðar en 15. apríl,“ segir í tilkynningu forsætisráðuneytisins. - óká

HELST Í ÚTLÖNDUM

Djúpt á hjartsýni | Talnafræðingar hafa vart merkt meiri svart-sýni í væntingum neytenda til efnahagslífsins en í nýjustu gögnum bandaríska viðskiptaráðsins, sem birtar voru í gær. Væntingavísitalan vestanhafs stendur nú í 26 stigum og hefur ekki verið lægri frá 1967.



Frakkar hóta | Christine Lagarde, fjármálaráðherra Frakklands, hóttaði því í gær að skrifa ekki undir ályktun af fundi tuttugu stærstu iðnríkja heims um næstu helgi verði reglur ekki hertar um starfsemi fjármála-fyrirtækja. Frakkar vilja harðari reglur en Bretar og Bandaríkjamenn.

Líkur á þroti | Líkurnar á því að bandaríski bílarisinn General Motors aki fram af gjaldþrotabarminum eru nú meiri en áður, að mati Rick Wagoners. Wagoner hefur um árabíl verið forstjóri bílaframleiðandans en var látinn taka poka sinn í vikubyrjun.

Ódýr skýjakljúfur | Tvö bandarísk fyrirtæki tryggðu sér hæsta skýjakljúf Boston-borgar í Bandaríkjunum á uppboði í gær. Byggingin heitir The John Hancock Tower og verða hæðirnar 60. Kaupverðið nemur 660 milljónum dala, jafnvirði 7,3 milljarða íslenskra króna.

Útvaldir fengu 75 milljarða króna

Bankaráðsmenn Lí og félög þeim tengdum fengu 40 milljarða á fyrri hluta síðasta árs. Unnið er að innheimtu krafna.

Jón Aðalsteinn Bergsveinsson
skrifar

Bankaráðsmenn Kaupþings og Landsbankans og félög þeim tengdum fengu 42 milljarða króna að láni frá bönkunum á fyrri helmingi síðasta árs. Eigið fé bankans á sama tíma nam 200 milljörðum króna.

Bankaráðsmenn Landsbankans og félög tengd þeim fengu hæstu lánin, fjörutíu milljarða króna, á þessu sex mánaða tímabili. Kaupþing veitti sínum mönnum og félögum sem þeir tengdust 2,4 milljarða á sama tíma. Öðru máli gegnir um kollega þeirra hjá Glitni en þar höfðu menn og félög tengd þeim greitt til baka 5,2 milljarða frá áramótum.

Heildarkrafan á hendur bankaráðsmönnum gömlu bankanna og félaga þeim tengdum, að undanskildum 207 milljón evrunum, hljóðar upp á 117 milljarða króna.

Í niðurstöðum skýrslu sem finnski bankasérfræðingurinn Kaarlo Jännäri vann um reglur og framkvæmd á eftirliti með fjármála-fyrirtækjum (hjál Seðlabanka Íslands og Fjármálaeftirlitinu) er fjallað um þessa þætti; stórar áhættuskuldbindingar, viðskipti við tengda aðila, krosseignarhald og hæfi eigenda og stjórnenda fjármála-fyrirtækja.

Bent er á að erfitt hafi verið fyrir Fjármálaeftirlitið að hafa eftirlit með viðskiptum banka við tengda aðila vegna flókens eignarhalds.

Kröfur á hendur bankaráðsmönnum gömlu bankanna og félaga þeim tengdum eru enn lifandi þrátt fyrir bankahrúnið í haust. Þær skiptast á bæði gömlu og nýju bankana. Lán til félaga sem eru tengd bankaráðsmönnum en skráð erlendis liggja í búi gömlu bankanna en kröfur á innlend félög sitja í þeim nýju. Unnið er að innheimtu krafna og verður leitað allra leiða til að hámarka heimtur, að sögn Árna Tómassonar, formanns skilaneftndar Glitnis. Sjá síður 4-5.

Bakkavör tapar þriggja ára hagnaði

Bakkavör Group tapaði 154,2 milljónum punda, jafnvirði 27 milljarða króna á núvirði, á síðasta ári samborið við 47,4 milljóna punda hagnað í hittiðfyrra. Þetta jafngildir því að fyrirtækið sjái á eftir hagnaði síðustu þriggja ára á undan.

Stærstur hluti tapsins, 98,5 milljónir punda, féll til á fjórða ársfjórðungi í fyrra. Í hittiðfyrra nam hagnaðurinn á sama fjórðungi 10,4 milljónum punda.

Mestu munar um einkiptikostnaði upp á 177 milljónir króna á seinni hluta árs, svo sem vegna tapsi á fjárfestingum í írsku samlokuframleiðandanum

Greencore auk kostnaðar við hagræðingu.

Velta félaga Bakkavarar nam 1,6 milljarði punda á síðasta ári, sem er tíu prósentu aukning frá í hittiðfyrra. Á fjórða ársfjórðungi einum nam velta 412 milljónum punda, sem jafngildir ellefu prósentu aukningu.

Í uppgjöri Bakkavarar í gær kom fram að fjármögnun rekstrarfélaga sé að fullu tryggð til 2012. Handbært fé frá rekstri fyrir skatta og vexti nam 45,7 milljónum punda.

- jab



MEÐ BORGUN
TEKUR ÞÚ VIÐ
ÖLLUM KORTUM

Eitt uppgjör - betri yfirsýn

Nýttu kosti þess að hafa allt á einum stað.
Hafðu samband við okkur í síma 560 1600
eða tilbod@borgun.is og við gerum þér tilboð
í færsluhirðingu fyrir öll greiðslukortaviðskipti.

BORGUN
AÚÐVELDAR VIÐSKIPTI



Ármúla 30 • 108 Reykjavík
Sími 560 1600 • www.borgun.is

GENGISÞRÓUN

	Vika	Frá áramótum
Alfesca	0,0%	-21,4%
Bakkavör	-3,6%	-45,8%
Eimskipafélagið	0,0%	-20,0%
Föroya Bank	2,5%	0,0%
Icelandair	0,0%	-47,4%
Marel	-0,4%	-42,2%
Össur	-7,4%	-10,0%

*Miðað við gengi í Kauphöll á mánudaginn
Úrvalsvisitalan OMX115 217
Úrvalsvisitalan OMX16 639

Vildu láta sölu SPRON bíða

Skilanevnd SPRON ber að fullu ábyrgð á þeirri óvissu sem nú ríkir hjá viðskiptavinum SPRON, að mati Nýja Kaupþings. Í tilkynningu bankans kemur fram að allt frá því beiðni kom frá stjórnvöldum um að hann tæki við innlánnum viðskiptavina SPRON og Nb.is hafi honum verið umhugað um að viðskiptavinir SPRON yrðu fyrir sem minnstum óþægindum.

„Innistæðurnar sem færðust yfir í Nýja Kaupþing að beiðni stjórnvalda eru í raun skuld bankans við viðskiptavini SPRON. Þar sem innistæður eru



EFTIR LOKUN Starfsfólk SPRON við Skólavörðustíg á fundi skömmu eftir að isjóðurinn var tekinn yfir.

MARKAÐURINN/GVA

forgangskröfur eru allar eignir SPRON að veði fyrir þeirri skuldbindingu sem Nýja Kaupþing tók yfir. Nýja Kaupþing hefur því

talið nauðsynlegt að búið væri að ganga formlega frá skuldbréfi vegna innistæðna áður en farið væri að huga að sölu eigna SPRON. Skilanevnd SPRON hefur ekki virt þessi tilmæli frá bankanum,“ segir í tilkynningunni, en MP banki hefur keypt netbanka og útbúanet SPRON á 800 milljónum króna.

Í tilkynningu Nýja Kaupþings kemur jafnframt fram að bankinn hafi ráðið til sín á annan tug starfsmanna SPRON til þess að sinna þeim verkefnum sem bankinn hafi verið beiðinn um að sinna.

- óká

Vatnið á Skotaleiknum

„Allt sem við gerum tengist Íslandi á einn eða annan hátt,“ segir Jón Ólafsson, stjórnarformaður átöppunarfyrirtækisins Icelandic Water Holdings. Fyrirtækið hefur keypt auglýsingu á leik Skota og Íslendinga í undankeppni fyrir HM 2010 sem fram fer á Hamden Park í Glasgow í Skotlandi í dag.

Fyrirtækið framleiðir vatn á flöskum undir merkjum Icelandic Glacial. Í auglýsingunum verður lögð áhersla á að vatnið sé það fyrsta sem hlotið hafi viðurkenningu The CarbonNeutral Company fyrir algera kolefnisjofnum. -jab

Sprotarnir kynna sig

„Við erum ekki endilega að leita að fjármagni en erum opin fyrir því,“ segir Ásta Kristjánsdóttir, einn eigenda tískuvörumerkisins E-label.

Fyrirtækið, sem hefur verið í örum vexti, mun ásamt ný öðrum sprotafyrirtækjum kynna vörur sínar og viðskiptaáætlanir fyrir fjárfestum á sprotapiþingi Seed Forum á föstudag. Hin fyrirtækin nú eru með einum eða öðrum hætti tengd afþreyingaiðnaðinum.

Tuttugu fjárfestar höfðu skráð sig á sprotapiþingi í gær og hafa þeir aldrei verið fleiri, að sögn Eyþórs Ívar Jónssonar, framkvæmdastjóra Seed Forum á Íslandi.

E-label var stofnað síðla árs



ÁSTA KRISTJÁNSDÓTTIR

2007 og hóf sölu á sérhönnuðum fatnaði á netinu. Ásta segir sölu hafa gengið mjög vel í rúmt ár. Fyrirtækið hefur leitað fyrir sér í Bretlandi og Ásta, sem nú er stödd Lundúnum, ræddi í vikubyrjun við forsvarsmenn verslanakeðjunnar Topshop um sölu á fötum þar. Mörg hundruð nýir hönnuðir víða um heim sækja um að koma fatnaði sínum í verslanir Topshop í viku hverri en aðeins brot þeirra nær árangri. „Við erum að fara á fund, það er frábært að komast að,“ segir Ásta. -jab

Verklagsreglum ýtt til hliðar eftir hryðjuverk

Áhugaleysi erlendra banka á Íslandi eftir hryðjuverkaárásir í Bandaríkjunum haustið 2001 varð til þess að verklagi einkavæðingar var breytt. Erlendum bönkum ekki hafnað.

Óli Kristján Ármannsson
skrifar

Áhugaleysi virtra erlendra fjármálfyrirtækja á fjárfestingum á Íslandi í einkavæðingarferli bankanna kemur ekki á óvart að mati Kaarlos Jännäris, finnska bankasérfræðingsins sem í byrjun vikunnar kynnti skýrslu um íslenskt fjármálaeftirlit.

Í kafla um bakgrunn bankakrisunnar fjallar Jännäri um einkavæðingu bankanna. Hann segir bagalegt fordæmi hafa verið búið til þegar Samson, fjárfestingarfélagi Björgólfsfeðga, hafi verið heimilað að kaupa 45 prósent hlut í Landsbankanum og þar með horfið frá fyrirlunum um dreifða eignaræðild. „Ákvörðunin var mestanpart pólitísk. Sem dæmi var Fjármálaeftirlitið ósátt við niðurstöðuna og veitti ekki samþykki sitt, snemma árs 2003, fyrr en eftir langa yfirlegu. Sama átti við um kaup „S-hópsins“ á Búnaðarbankanum,“ segir í skýrslu Jännäris.

Í skýrslunni segir Jännäri smæð landsins, sveiflukennt og lokað hagkerfi með krónuna sem gjaldmiðil hafa fælt erlenda banka frá. „Engu að síður virðist sem að minnsta kosti einn virtur banki hafi sýnt íslenska markaðinum áhuga, en verið hafnað, líklega vegna verndarsjónarmiða,“ segir í skýrslunni.

Hreinn Loftsson, sem var formaður framkvæmdarnefndar um einkavæðingu 1992 til 2002 kannast ekki við að erlendum banka hafi verið hafnað í einkavæðingarferlinu. „Vera má að þarna sé blandað saman atburðum sem áttu sér stað 1998 þegar Enskilda bankinn sænski vildi fá að kaupa Landsbankann,“ segir hann. Þegar viðræðum við Enskilda og Íslandsbanka um kaup á Landsbankanum var slitið í ágústlok 1998 sagði Finnur Ingólfsson, þá viðskiptaráðherra, að „ekki væri rétti tíminn til að selja“ og kynnti nýja stefnumótun um sölu bankanna.

Hreinn Loftsson segir að eftir að nefndinni hafi

verið falin umsjón með sölu bankanna hafi HSBC verið falið að veita henni ráðgjöf um framkvæmdina. Síðsumars 2001 hófst síðan hinn eiginlegi söluferill, en árásirnar á tvíburaturnana í New York í Bandaríkjunum 11. september það ár hafi sett strik í reikninginn. „Við það dó allur áhugi erlendis, en HSBC hafði unnið að því að finna samstarfsaðila sem hefði reynslu, kunnáttu og getu til þess að stýra stærstu bönkum landsins. Eftir því sem leið fram á haustið og fram í desember urðu menn úrkula vonar um að flötur væri á því að fá hér inn erlenda aðila,“ segir Hreinn. Viðræður hafi átt sér stað við að minnsta kosti tvo banka, en þegar á hölminn var komið reyndist ekki áhugi fyrir hendi. Réttu leiðin segir hann að hefði verið að fresta fyrirlunum um sölu um eitt til þrjú ár þar til markaðir næðu sér á strik aftur. Í staðinn hafi verið tekin pólitísk ákvörðun um að ganga til viðræðna við Samson um kaup á ráðandi hlut í Landsbankanum.

„Áhugi sænska bankans 1998 tel ég hins vegar að hafi orðið til þess að farið var í formlegt ferli þar sem leitað var að aðilum sem áhuga hefðu og þeim gefinn kostur á að senda inn tilboð, en þó ekki í allan bankann því gefa áttu almenningi færi á að eiga hlut. Menn vildu vanda sig við þetta og gæta þess að fá ekki á sig ákúru um að hafa afhent einhverri sænskri auðfjöl-skyldu einn helsta banka landsins á silfurfat.“

Hreinn segir sama eiga við um Samson og S-hópinn að hvorugur hafi í raun uppfyllt þau skilyrði sem gera hafi átt til kjölfestufjárfestis í íslensku bönkunum. „S-hópurinn með fyrrverandi viðskiptaráðherra og seðlabankastjóra frá því skömmu áður innborðs uppfyllti vitanlega ekki skilyrði sem gerð eru til kaupenda banka og það gerði Samson ekki heldur, sem var ekki með nokkra reynslu af bankarekstri. En þarna fór allt ævintýrið af stað, eftir að horfið var frá ákvörðun framkvæmdarnefndarinnar um að fresta sölu bankanna.“

Græða þrátt fyrir samdrátt í sölu

Bílaframleiðandinn Porche hefur tilkynnt um stórkostlega hagnaðaraukningu á mánuðinum sex fram til janúarloka. Aukningin er til komin vegna eignarhlutar fyrirtækisins í Volkswagen Group.

Í frétt Ríkisútvarpsins breska (BBC) kemur fram að hagnaður félagsins á tímabilinu nemi 5,5 milljörðum evra, eða sem nemur 896 milljörðum íslenskra króna. Er það fjórum sinnum meira en á sama tíma ári fyrr.

Hagnaðaraukningin er til komin vegna mikillar hækkunar á verði hlutabréfa Volkswagen, en Porche á 50

prósenta hlut í félaginu. Tölurnar breiða þar með yfir fjórðungssamdrátt í bílasölu Porche, en félagið hefur bent á þá staðreynd að falli verð brefa Volkswagen þá falli sömuleiðis hagnaðartölur Porche. Félagið tryggði sér fyrir um viku 10 milljarða evra lán til að auka við hlut sinn í Volkswagen. - óká



Nýtt félag stofnað um viðtæka ráðgjöf

Nýstofnað félag, Capacent Glacier, veitir ráðgjöf á sviði fjármála, sjávarútvegs og jarðvarma.

Capacent Glacier heitir nýtt ráðgjafarfyrirtæki með átján starfsmenn sem einbeittir sér að fjármálaráðgjöf hér innanlands og ráðgjöf á sviði sjávarútvegs og jarðvarma á erlendri grundu.

Tilkynnt var um stofnun félagsins í gær, en í því er sögð koma saman margra ára reynsla starfsmanna Capacent á sviði fjármálaráðgjafar og þekking og tengsl fyrrum starfsmanna Glitnis í ráðgjöf til alþjóðlegra fyrirtækja í sjávarútvegi og jarðvarma. Félagið á svo samstarf við ráðgjafarfyrirtækin Glacier Partners í Bandaríkjunum og Pritchard Capital, sérhæft verðbréfafyrirtæki á orkusviði.

Capacent Glacier er með tólf starfsmenn á Íslandi og Glacier Partners með sex starfsmenn í Bandaríkjunum. Félagið er sagt að helmingi í eigu Capacent og



STARFSFÓLK CAPACENT GLACIER Framkvæmdastjórnarmenn Magnús Bjarnason og Sigurður Harðarson eru vinstra megin í fremstu röð. Magnús segir mikil verðmæti felast í þekkingu og tengslum starfsmanna Capacent Glacier á sviði jarðvarma og sjávarútvegs.

ad helmingi í eigu stjórnenda, en fyrir því fer framkvæmdastjórninn Magnús Bjarnason, sem áður bar ábyrgð á starfsemi Glitnis á sviði endurnýjanlegrar orku og sjávarútvegs. Sigurður Harðarson, sem veitt hefur fjármálaráð-

gjöf Capacent forstöðu, er framkvæmdastjóri rekstrar Capacent Glacier. Jón Garðar Guðmundsson ber ábyrgð á sjávarútvegs-málum og Sigurður Valgeir Guðjónsson leiðir fyrirtækjaráðgjöf félagsins.

Hjá Glacier Partners í Bandaríkjunum starfa meðal annars „Timothy Spanos, sem hefur 20 ára reynslu frá Bank of America, Sigurður Jón Björnsson, sem tók þátt í uppbyggingu Framtaks fjárfestingabanka og Ignacio Kleiman, sem stafað hefur fyrir Rabo Bank, Deutsche Bank og JP Morgan.“

Haft er eftir Þór Elliðasyni að með samstarfi Capacent Glacier og ráðgjafareininga Capacent á Íslandi og á Norðurlöndunum verði til grundvöllur fyrir nýja þjónustu við viðskiptavini, svokallaða „one stop shop“ þjónustu. Hingað til segir hann ekkert fyrirtæki hafa getað boðið í einu upp á á þjónustu á sviði fjárhagslegar endurskipulagningar, fjármögnunar, ráðninga, markaðsrannsóknna, stefnumótunar og stjórnunarráðgjafar. - óká

Verðmat á áætlun

Verðmat endurskoðunar-fyrirtækisins Deloitte Touche á efnahagsreikningi nýju bankanna er á áætlun, samkvæmt upplýsingum frá Fjármálaeftirlitinu.

Stefnt var að því að skila verðmatinu inn í síðasta lagi í gær. Við tekur skoðun breska fjármálfyrirtækisins Olivers Wyman á verðmatinu og mun það birta endanlegt verðmat á efnahagsreikningi nýju bankanna um miðjan mánuðinn.

Þegar verðmati lýkur munu bankarnir gefa út skuldbréf til gömlu bankanna í skiptum fyrir eignir. -jab

YFIR 50 UPPSELDAR SÝNINGAR



DUBBELDUSCH

eftir Björn Hlyn Haraldsson

Dubbeldusch er tvímællalaust með bestu sýningum sem ég hef séð á sviði LA og gott ef ekki sú skemmtilegasta.

J.V.J. DV ****

Sumir stóðu hreinlega á öndinni.

E.B. Fréttablaðið. ****

Heildarbragur sýningarinnar er aðlaðandi og efnistökin heillandi... mjög íslenskt.

S.L.G. RÚV

Grátbrosleg skemmtun sem á sér líklega stoð í raunveruleikanum.

G.Á. leikhus.is ****



SÝNT Í HAFNARFJARÐARLEIKHÚSINU
TRYGGÐU ÞÉR MIÐA

Vesturport

Miðasala í síma 555 2222 og á midi.is

www.vesturport.com



STJÓRNARFORMAÐUR KAUPÞINGS Sigurður Einarsson, stjórnarformaður Kaupþings, átti eins prósent hlut í eigin nafni í bankanum þegar ríkið tók hann yfir í fyrrahaust.

MARKAÐURINN/VALLI



HB GRANDI

Aðalfundur

Aðalfundur HB Granda hf. verður haldinn föstudaginn 3. apríl 2009 í matsal fyrirtækisins að Norðurgarði, Reykjavík og hefst hann kl. 17:00.

Dagskrá

1. Venjuleg aðalfundarstörf samkvæmt 18. gr. samþykktu félagsins.
2. Tillaga um heimild félagsstjórnar til kaupa á eigin hlutum samkvæmt 55. gr. hlutafélagalaga.
3. Önnur mál, löglega upp borin.

Dagskrá, endanlegar tillögur og ársreikningur félagsins munu liggja frammi á skrifstofu félagsins, hluthöfum til sýnis, viku fyrir aðalfund. Ennfremur er hægt að nálgast gögnin á vefsíðu félagsins www.hbgrandi.is.

Framboðsfrestur vegna stjórnarkjörs rennur út fimm dögum fyrir upphaf aðalfundar. Upplýsingar um frambjóðendur til stjórnar verða birtar eigi síðar en tveimur dögum fyrir aðalfund.

Atkvæðaseðlar og fundargögn verða afhent á fundarstað frá kl. 16:30.

Óski hluthafar eftir að ákveðin mál verði tekin til meðferðar á aðalfundinum, þarf skrifleg beiðni um það að hafa borist félagsstjórn með nægjanlegum fyrirvara, þannig að unnt sé að taka málið á dagskrá fundarins.

Hluthafar sem ekki geta mætt á fundinn en hyggjast gefa umboð, þurfa að gera það skriflega.

Stjórn HB Granda hf.



FYRRVERANDI FORMAÐUR BANKARÁÐS LANDSBANKANS Björgólfur Guðmundsson er skráður fyrir fjölda félaga. Samson eignarhaldsfélag

Milljarðatugir féllu bankaráðsmanna Lands

Bankaráðsmenn Kaupþings og Landsbankans og félög þeim tengd fengu 42 milljarða lán í bönkunum á fyrri helmingi síðasta árs. Bankaráðsmenn Glitnis voru að greiða sitt til baka þegar ríkið tók bankann yfir. Jón Aðalsteinn Bergsveinsson rýndi í uppgjör gömlu bankanna og gerði tilraun til að rekja peningaslóðina.

Landsbankinn lánaði bankaráðsmönnum og félögum þeirra tæpa 40 milljarða króna á fyrstu sex mánuðum síðasta árs. Við bætist skuldbinding upp á 33 milljarða króna að núvirði þremur mánuðum síðar vegna yfirtöku á kröfu í tengslum við gjaldþrot bresku ferðaskrifstofunnar XL Leisure Group. Heildarlánveitingar til bankaráðsins og félaga tengdum því námu því 83 milljörðum króna þegar ríkið tók bankann yfir í október í fyrra. Eigið fé bankans í lok júní nam 198 milljörðum króna og jafngilda lánveitingarnar því að 36 prósent af eigin fé Landsbankans hafi runnið í vasa bankaráðsins og stærsta hluthafa. Fyrir skuldaði bankaráðið 9,9 milljarða króna frá fyrra ári.

Skýringar liggja ekki fyrir því í uppgjörunum til hvaða bankaráðsmanna lánin voru veitt eða hvaða félagi sem þeim tengdust. Þó er skýrt tekið fram í uppgjörunum Landsbankans að kjölfestufjórðingunum, Samson eignarhaldsfélagi, hafi ekki verið veitt lánaþyrirgreiðsla.

Sömuleiðis er tekið fram í uppgjörunum bankanna allra að lánin séu á sömu eða svipuðum kjörum og lán til almennra viðskiptavina bankanna.

Útlán til bankaráðsmanna hinna viðskiptabankanna námu samtals 70 milljörðum króna á

sama tíma. Nánast jöfn skipting er á milli síðastnefndu bankanna. Kaupþing lánaði bankaráðsmönnum 2,4 milljarða króna á sama tíma og Landsbankamenn fengu 40 milljarða en heildarlán til æðstu stjórnenda Kaupþings námu 36,8 milljörðum króna í júnílok. Það jafngildir átta prósentum af eiginfé bankans.

Heildarlánveitingar Glitnis til bankaráðs og æðstu stjórnenda bankans námu 33,7 milljörðum króna í á sama tíma og höfðu lækkað um 5,2 milljarða króna frá áramótum. Heildarfjárhæðin jafngilti sautján prósentum af eigin fé bankans í lok júní.

Viðbótin við lán til bankaráðs Landsbankans upp á 33 milljarða króna er 207 milljóna evra ábyrgð Samsonar eignarhaldsfélags, félags Björgólfs Guðmundssonar, stjórnarformanns Landsbankans, og Björgólfs Thors Björgólfssonar, keypti vegna gjaldþrots bresku ferðaskrifstofunnar XL Leisure Group í september í fyrra. Lánið lá í þrotabúi Samsonar, sem átti 40 prósent hlut í Landsbankanum fram að ríkisvæðingu. Kröfunni hefur nú verið rift og fellur hún á þrotabúi gamla Landsbankans.

KRAFAN LIFANDI

Bæði nýju og gömlu bankarnir eiga kröfu á bankaráð gömlu bankanna og félög þeim tengd og er unnið að því að lán bankaráðs-



STJÓRNARFORMAÐUR GLITNIS Porsteinn Már Baldvínsson, stjórnarformaður Glitnis, hafði setið í skamma hríð í stjórnarformannsstólnum þegar ríkið tók bankann yfir.

MARKAÐURINN/PIJETUR

manna verði greidd til baka með einum eða öðrum hætti.

Skipting á milli gömlu og nýju bankanna er sú sama og farið var eftir í kjölfar ríkisvæðingar bankanna í fyrrahaust en þá var bönkunum skipt upp eftir því hvort þeir voru með innlenda eða erlenda starfsemi. Þannig munu kröfur á þau eignarhaldsfélög tengd bankaráðsmönnum sem



var kjölfestufjáfestir bankans. MARKAÐURINN/HARI

í skaut bankans

skráð voru erlendis liggja í gömlu bönkunum en kröfur á félög sem skráð voru hérlandis liggja í nýju bönkunum.

Samson eignarhaldsfélag, kjölfestufjáfestir Landsbankans, var skráð hér en fjöldi félaga sem tengd eru Björgólfsféögum voru skráð víða erlendis. Þá eru Exista BV og Ega Invest BV, sem fóru með 34,58 prósentu hlut í Kaupþingi, bæði skráð í Hollandi. Tvö félög í nafni FL Group, sem fóru með samanlagðan 23 prósentu hlut í Glitni voru sömuleiðis skráð þar.

BANKALEYND

Hvorki fengust upplýsingar hjá skilaneftndum gömlu bankanna né þeim nýju um nánari skiptingu lánveitinga til bankaráðsmanna gömlu bankanna né félaga þeim tengdum. Sömuleiðis fengust ekki upplýsingar um það hvaða félög tengd bankaráðsmönnum fengu lánveitingar né hvaða upphæð var um að ræða. Vísað var til laga um bankaleynd í öllum tilvikum. Af þeim ástæðum er ekki hægt að fullyrða hvort stjórnarmenn Kaupþings og Glitnis sem sátu í krafti stærstu hluthafa hafi talið til lántakenda.

Þá vill Fjármálaeftirlitið ekki segja til um hvort lánveitingarnar hafi verið eða séu til skoðunar. Í einhverjum tilvikum geti reynt á reglur um stórar áhættur ef lán fari yfir 10 prósent (hámark 25 prósent) af eiginfjárgrunni banka. Við það yrði bankinn að gefa upplýsingar til Fjármálaeftirlitsins um þau lán. Að öðru leyti komi upplýsingar um lán og kjör á lánum til venslaðra aðila fram við reglulega skýrslusöfnun eftirlitsins.

ÚTISTANDANDI LÁN TIL BANKARÁÐA 2003-2005*

Landsbankinn	Upphæð í milljónum
2008	49.800
2007	9.900
2006	26.300
2005	11.600
Glitnir	
2008	33.700
2007	38.900
2006	37.200
2005	23.000
Kaupþing	
2008	36.800
2007	34.400
2006	17.760
2005	7.545

* HEIMILD: ÁRSUPPGJÖR BANKANNA

Lánin verða innheimt



ÁRNI
TÓMASSON

„Það gildir það sama um bankaráðsmennina og aðra. Kröfur þeirra verða innheimtar,“ segir Árni Tómasson, formaður skilaneftndar Glitnis.

Á meðal hefðbundinna aðferða eru samningar um að skuldunautar greiði lán sín til baka að sem mestum hluta eða bankinn taki þau til sín. Fjölmargar leiðir eru í skoðun, að sögn Árna.

Í einhverjum tilvikum munu félög tengd bankaráðsmönnum ekki hafa burði til að greiða lán sín til baka nema að afar litlu leyti. Í öðrum tilvikum bjóða forsvarsmenn félaganna hluta upp í greiðslu. „Við verðum að meta í hverju tilviki hvað við erum tilbúin til að ganga langt til að fá upp í kröfur,“ segir Árni.



// 3. apríl 2009 //

FJÁRFESTINGAÞING NÝSKÖPUNARFYRIRTÆKJA

KAUPPING Borgartúni 19, Reykjavík



Seed Forum

DAGSKRÁ

- 08:30 **Skráning**
- 09:00 **Opnun**
Eypór Ívar Jónsson, stjórnarformaður SFI

Ávarp

Gylfi Magnússon, viðskiptaráðherra

Logic of Creativity

Margrét Sigurðardóttir, adjúkt Háskóla Íslands

Market update on European private equity

Kimberly Romaine, aðalritstjóri 'unquote'

Kaffihlé

Nýsköpunarfyrirtæki kynna viðskiptahugmyndir:

Amivox
E-label
On The Rocks
Reliant
JvJ
48 DVD
Responsible surfing

- 12:00 **Léttur hádegisverður fyrir frumkvöðla og fjárfesta í boði sendiherra Noregs, Margrit Tveiten**

SKRÁNING

Þar sem sæti eru takmörkuð eru þátttakendur beðnir um að skrá sig á <http://www.seedforum.is>

RÆÐUMENN



Eypór Ívar Jónsson
Stjórnarformaður SFI



Margrét Sigurðardóttir
Adjúkt Háskóla Íslands



Kimberly Romaine
Aðalritstjóri 'unquote'



Hr. Gylfi Magnússon
Viðskiptaráðherra

Breski sendiherrann, Ian Whitting, býður ráðstefnugestum til móttöku á heimili sínu kl. 17.00.

Léttar veitingar í höfuðstöðvum Nýherja að Urðarhvarfi 6 kl. 19.00.



nánari upplýsingar á www.seedforum.is

5125050
Auglýsingasími
- Mest lesið

MARKAÐURINN

Sögurnar... tölurnar... fólkið...

Fjármálaeftirlit hér á landi var á pari við það besta sem annars staðar gerist, þótt rúm væri til úrbóta.

Eftir á að hyggja

Óli Kristján Ármannsson

Rasað var um ráð fram í bankakerfinu um leið og stjórnvöld stóðu sig illa í efnahagsstjórn, héldu dauðahaldi í gjaldmiðil sem sjálfur er uppspretta sveiflna og vandræða, um leið og ráðist var í þensluhvetjandi aðgerðir af ýmsum toga og Íbúðalánasjóður notaður til að bæta í fasteignabólu og niðurkeyrslu vaxta sem Seðlabankinn reyndi af vanmætti að sporna gegn. Í þessu umhverfi vildi svo óheppilega til að brast á með alþjóðlegri fjármálakrisu sem enn sér ekki fyrir endann á.

Finnski bankasérfræðingurinn, Kaarlo Jännäri, sem á mánudag kynnti skýrslu sína um aðbúnað og regluverk í fjármálakerfi landsins talaði alveg skýrt um að fall bankanna skrifaðist á stjórnendur þeirra sem farið hefðu sér allt of hratt í þessu umhverfi. Þeir hefðu enda átt að átta sig á þeim kerfislausu veikleikum sem hér var við að etja. Íslenskir bankamenn sáu hins vegar ekki fyrir, frekar en bankamenn annars staðar í heiminum, dýpt alþjóðlegu lausafjárkrísunnar.

Þá var forvitnilegt að heyra það álit Jännäris að hefði ekki komið til alkuls á alþjóðlegum fjármálamörkuðum í kjölfar falls Lehman Brothers bankans í september þá væri ekki hægt að útiloka að íslensku bankarnir hefðu getað lifað af (svona að því gefnu að þeir hefðu getað orðið sér úti um fjármögnun). Og það þrátt fyrir brotalamir sem í skýrslu hans er getið um í aðbúnaði eftirlitsstofnana og mjög afmörkuðum verkferum þeirra til að hafa áhrif á framgöngu bankanna.

Í öllu falli verður ekki séð að skýrsla finnska bankasérfræðingsins feli í sér neinn áfellingisdóm yfir Fjármálaeftirlitinu (FME) og vandséð annað en þar hafi verið staðið að málum eins vel og kostur var, miðað við fjárreiður og þá lagaumgjörð sem stofnuninni var búin. Jännäri nefndi reyndar að í einhverjum ríkjum Mið-Evrópu kynnu fjármálaeftirlit að hafa gengið fram með öðrum og harkalegri hætti í samskiptum við bankana og látið þá um að sækja rétt sinn fyrir dómstólum [...] Ólíklegt er að slíkt stílbrot í stjórnun og framgöngu yfirvalds hefði verið látið óátalið hér á þeim árum þegar uppgangur fjármálakerfisins var hvað mestur og aðhalds ef til vill mestar þörf. Þá þyrfti slík stofnun að njóta styrks stuðnings í stjórnkerfinu ef forsvarsmenn hennar ætluðu sér að hætta á að vera gerðir afturreka með íþyngjandi ákvarðanir sem jafnvel stæðust ekki laganna bókstaf.

Þá getur tæpast verið vilji fyrir því að hér vikjum við í grundvallaratriðum frá gildum réttarríkisins og þeirri vernd sem bæði fólk og fyrirtæki njóta í lagabókstafnum gegn gerræðislegri ákvarðanatöku opinberra aðila. Andrúmsloft valdboda sem eimir eftir af í gömlum austantjaldslöndum getur tæpast verið það sem við viljum taka upp hér í stað stjórnslureglna- og hefða sem fyrirmynd eiga í norrænum velferðarríkjum. Það er auðvelt að segja að hér hefðum við árin 2005 og 2006 átt að láta lönd og leið reglur um valdheimildir FME, andmælarétt fyrirtækja og meðalhófsreglur. Meira að segja eftir á að hyggja er ljóst að erfiðara hefði verið að hrinda slíkum aðgerðum í framkvæmd.

Líkt og fleiri útlendingar sem tekið hafa að sér að fjalla um Ísland telur Jännäri jafnframt að hér fari betur á því að vera með lítil fyrirtæki sem einbeita sér að heimamarkaði. Hvort það fari landanum betur skal ósagt látið, en jafnsatt er hjá honum eftir sem áður að framtíð fyrirtækja hér er betur borgið í þeirri umgjörð og aukningu viðskipta sem ætla má að aðild að ESB-færi okkur og þeim stöðugleika sem fengist með evrunni í stað krónu.


Afnám verðtryggingar og hafta

ORD Í BELG

Gunnar Erlingsson
iðnaðarverkfræðingur.



Lárus Bollason
viðskiptafræðingur.



SKÝRINGAR-MYND
Hér til hliðar má sjá útleigingu greinarhófnu á því hvernig afnema má verðtryggingu.

Allt útlit er fyrir að með miklum samdrætti í efnahagslífinu dragi hratt úr verðbólgu og að í kjölfarið muni vextir lækka skarpt. Þessar aðstæður skapa einstakt tækifæri til að breyta verðtryggðum skuldum heimila í óverðtryggð lán á viðráðanlegum vaxtakjörum. Á sama tíma væri æskilegt að gefa skuldurum gengistryggðra lána tækifæri til að breyta þeim í óverðtryggð lán í íslenskum krónum, enda kann afnám gjaldeyrishafta að valda skuldurum enn frekari erfiðleikum.

Fjöldinn allur af heimilum og fyrirtækjum kaus að fjármagna sig með erlendu lánsfé frá bönkunum. Bankarnir sjálfir höfðu greiðan aðgang að erlendu lánsfé undanfarin ár og því eðlilegt að þeir byðu almenningi lán í erlendri mynt á hagstæðum kjörum. Fáir reiknuðu þó með hinni gríðarlegu gjaldeyrisháttu sem stóraukin skuldsetning þjóðarinnar fól í sér.

LANGTÍMAHÖFT SKAÐA

Eftir að gjaldeyrishöftum var komið á urðu til tveir markaðir með íslensku krónuna; innanlandsmarkaður sem er markaður bundinn höftunum og utanlandsmarkaður sem stendur utan haftanna og viðskipti innlendra aðila að mestu ef ekki öllu leyti bönnuð. Gengi krónunnar á innanlandsmarkaðnum hefur því bein áhrif á afborgun verðtryggðra skulda og skulda innlendra aðila í erlendri mynt. Afborganir erlendra skulda færa bönkunum engan eiginlegan gjaldeyri, heldur íslenskar krónur í hlutfalli við gengi myntarinnar á innlenda markaðnum. Gjaldreyrir á innlenda markaðnum er af skornum skammti, enda ráða frjáls viðskipti ekki gengi krónunnar. Þar er krónan þó umtalsvert sterkari (vegna hafta), eða um 160 krónur fyrir evruna, samanborið við um 230 krónur fyrir evruna á utanlandsmarkaði (m.v. 27/3/2009).

Gjaldreyrishöft til lengri tíma skaða hagsmunum þjóðarinnar, enda viðskipti ekki frjáls og erlend fjárfesting á Íslandi einkar óaðlaðandi í slíku umhverfi. Því fyrir sem tekið er á málunum, því betra. Verði höftin afnumin, má gera ráð fyrir veikingu krónu. Skuldarar verðtryggðra króna og erlendirar myntar kunna því að líða fyrir það, með tilheyrandi greiðsluferfiðleikum og jafnvel gjaldþrotum.

Því leggjum við til að skuldurum verðtryggðra og erlenda lána verði boðið að breyta skuldum sínum í óverðtryggðar skuldir í íslenskum krónum, til dæmis með endurskoðunarákvæði vaxta á fimm ára fresti að viðbættu verðbólguálagi. Eðlilegt væri að það tæki mið af verðbólguálagi Seðlabanka Íslands (SÍ) og verðbólguálagi á skuldabréfamarkaði, en undanfarnar vikur hefur það verið nálægt 2,5% verðbólguálagi SÍ.

Þegar framangreindri skuldabreytingu er lokið, segjum innan 1-2 mánaða, er hægt að afnema gjaldeyrishöftin. Gleymum því

ekki, að höftin þarf að afnema með góðu eða illu hvort sem er – fyrr eða síðar. Afnám haftanna hjálpar heildarkerfinu til lengri tíma lítið.

ÁHRIF Á LÁNVEITENDUR

Helstu lánveitendur verðtryggðra lána eru Íbúðalánasjóður, bankar, sparissjóðir og lífeyrissjóðir. Við fall bankakerfisins voru útlán heimila flutt yfir í nýju bankana. Auk innlána, sem að stærstum hluta eru óverðtryggð, og eiginfjárframlaga frá ríkissjóði verður fjármögnun nýju bankanna skuldabréf sem þeir gefa út til gömlu bankanna sem greiðslu vegna eigna sem fluttar voru til þeirra. Enn hefur ekki verið gengið frá skilmálum skuldabréfanna. Afnám verðtryggingar á útlán í nýju bönkunum skapar því ekki vandamál þar sem skilmálar skuldabréfanna munu taka mið af eignasamsetningu bankanna. Þar sem afborganir erlendra húsnæðislána eru í einfaldaðri mynd íslenskar krónur í hlutfalli við gengi myntarinnar á innlenda markaðnum, ætti breyting þeirra að laga gjaldeyrissjófnuð bankanna og draga þannig úr áhættu í bankakerfinu.

Verðtryggð útlán lífeyrissjóða eru um 10% af heildareignum þeirra (skv. tölum frá SÍ í janúar sl.) en hlutfall verðtryggðra eigna af heildareignum sjóðanna jókst talsvert við fall bankakerfisins þar sem eignir í hlutabréfum og óverðtryggðum skuldabréfum bankanna töpuðust. Breyting á verðtryggðum lánnum sjóðsfélaga myndi lækka þetta hlutfall en ætti að okkar mati ekki að hafa teljandi áhrif á mögulega ávöxtun sjóðanna.

Íbúðalánasjóður (ÍLS) er stærsti lánveitandi verðtryggðra lána. Á móti nær öllum verðtryggðum útlánnum sjóðsins hefur hann gefið út og selt verðtryggð skuldabréf (íbúðabréf) sem skráð eru í Kauphöll Íslands og ganga þar kaupum og sölum. Helstu eigendur íbúðabréfa eru lífeyrissjóðir og íslenskir sparifjáreigendur en auk þess er hluti þeirra í erlendri eigu. Útséð

er að skilmálum útgefna skuldabréfa sjóðsins verður ekki breytt eftir á og því ljóst að sjóðurinn getur ekki afnumið verðtryggingu útlána án aðstoðar.

Tillaga okkar felur í sér að ríkissjóður geri vaxtaskiptasamning við ÍLS þar sem ÍLS þiggur verðtryggingu en greiðir ríkissjóði á móti 2,5% fasta vexti (verðbólguálag, fengið frá greiðendum húsnæðislána). Myndin sem greininni fylgir útskýrir þetta greiðslufæði og hvernig ÍLS og eigendur íbúðabréfa ættu ekki að verða fyrir neinum áhrifum vegna skuldbreytingarinnar. Í framtíðinni þyrfti ÍLS að fjármagna sig með útgáfu óverðtryggðra skuldabréfa.

RÍKISSJÓÐUR HEFÐI BEINAN HAG AF LÁGRI VERÐBÓLGU

Verðtrygginguna og gjaldeyrishöftin mætti afnema með ofangreindum hætti og losa lánveitendur við þá áhættu sem felst í verðtryggðum og gengistryggðum lánnum, án þess að skerða réttindi eigenda verðtryggðra skuldabréfa eða skekkja verðtryggingar- eða gjaldeyrissjófnuð bankanna.

Ofangreind tillaga felur í sér að ríkissjóður væri orðinn skuldari verðtryggðra króna. Teljum við það gæfuskref því þá væri beinn hvati fyrir ríkisvaldið að halda verðbólgu innan eðlilegra marka. Hingað til hefur ríkissjóður hagnaast beint á mikilli verðbólgu; öll ríkisskuldabréfaútgáfa er nú óverðtryggð og aukin verðbólga með tilheyrandi þenslu gefur af sér hærri skatttekjur. Þá er líklegt að miðlun peningastefnu SÍ verði virkari þar sem nafnvextir útlána væru breytilegir og fylgdu styrivöxtum í meira mæli.

Mikilvægt er að bregðast hratt við nú þegar verðbólga mælist lág milli mánaða, íslenska krónan er bundin höftum og ekki er buið að ganga frá efnahagsreikningum nýju bankanna.

Blaðberinn bíður þín

Þú færð Blaðberann þinn í Skaftahlíð 24
alla virka daga frá kl. 8-17.

Blaðberinn... góðar fréttir fyrir umhverfið

VIKULEG VEFRÁÐ Í BODI ALLRA ÁTTA Jón Trausti Snorrason framkvæmdastjóri Allra Átta ehf. www.8.is

Er vefsíðan leitarvélavæn?

Fjöldmargir stjórnendur fyrirtækja hafa fjárfest í vefsíðum fyrir hundruð þúsunda króna, jafnvel margar milljónir, án merkjanlegs árangurs. En hvernig getur staðið á því, að sumar vefsíður skila nær engum árangri?

Ýmsar ástæður liggja þar að baki. Algengasta ástæðan er, að síðuna skorti efnisinnihald og eðlilega notkun leitarorða í texta.

Margir gera þau grundvallar-

mistök, að hugsa aðeins um útlit síðunnar. Sumir leggja aðaláherslu á fallega grafík og alls konar margmiðlunarefni. Þeir skilja síðan ekkert í því, af hverju „flotta heimasíðan“ þeirra skilar engum árangri.

Gott útlit vefsíðu er nauðsynlegt, en einnig er mikilvægt að hafa ríkt efnisinnihald, góðan texta og eðlilega notkun leitarorða. Nauðsynlegt er því að hafa hæfilegan texta á for-

síðunni og tengla á helstu undirsíður, sem þurfa helst að innihalda kynningu á ákveðnu efnisatriði, þar sem ákveðið leitarorð þarf að koma fram efst á síðu og vera jafnframt fléttá víða inn í textann.

Ríkt efnisinnihald og leitarvélavænn texti er grundvallaratriði þess, að ákveðin vefsíða finnist ofarlega á niðurstöðusíðum leitarvéla, eins og Google.

BANKHÓLFID



Erfitt val

Þeir fjárfestar sem ekki eiga lengur aur til að fljúga á uppgjörsfundi færeysku félaganna geta brugðið sér á uppgjörsfundi Eimskips og Bakkavarar í dag. Báðir fundir hefjast klukkan hálf nú og verða þeir sem áhuga hafa virkilega að vanda val sitt. Miðað við gengi fyrirtækjanna í fyrra er reyndar ólíklegt að kræsingar leynist í uppgjörunum. Öðru máli gegnir um kruðeríð sem fyrirtækin bjóða með morgunkaffinu. Þeir sem sótt hafa afkomufundi Bakkavarar geta gengið að því vísu að þar verði í boði rúnstykki og vinarbrauð sem skola má niður með kaffi og djús. Ekki er síðra í boði hjá Eimskipi, sem bíður upp á hefðbundinn morgunverð: kaffi, te og djús og rúnstykki með osti, papriku og eggjum. Svo verður eitthvað smá sætt í bland, samkvæmt upplýsingum frá fyrirtækinu.

Einu sinni var...

Flestum er ljóst að Eimskip hefur gengið í gegnum eld og brennistein síðasta árið. Afar áhugavert er að bera saman uppgjörið nú og í hittiðfyrra. Fyrir aðeins tveimur árum var Eimskip á mikilli siglingu. Á fyrstu síðum uppgjörs 2007 er farið í gegnum kaupin á kælivörugeymslunum Daalimpex og Versacold auk þeirrar stærstu í Qingdao í Kína. Þá bættust tvö ný flutningaskip við flotann auk þess sem allt hlutfé breska landflutningafyrirtækisins Innovate var í höfn á því góðærisári. Þegar upp var staðið skildi Innovate eftir sig brunagat í bókum félagsins og önnur fyrirtæki ýmist seld eða í sölufæri til að fylla upp í skuldagatið sem fyrri eigendur skildu eftir sig.

Fréttir frá Brussel

Vorboðarnir færa þau tíðindi frá meginlandi Evrópu í Brussel að vænta megi fréttar varðandi Ísland þegar sól hækkar á lofti. Smáfluglarnir, sem fara víða, segja málið liggja á borðum Eftirlitsstofnunar EFTA (ESA). Von er á álitum ESA skömmu fyrir kosningar og segja smáfluglarnir það kunna að koma sér vel í kosningabaráttu sjálfstæðismanna. Nú er um að gera og bíða fregna hver svo sem tíðindin verða á endanum. Tilviljanir koma stundum á heppilegasta tíma, eða hvað?



31 prósent fasteignaviðskipta í febrúar voru makaskiptasamningar. Greining Glitnis telur að slíkum samningum muni enn fjölga.

8 prósent lækkan hefur orðið á nafnverði húsnæðis í landinu það sem af er ári samkvæmt mælingu sem Hagstofa Íslands birti fyrir helgi.

1,5 milljarða hagnaður var á starfsemi fjárfestingafélagsins Eyris Invest á síðasta ári. Fyrir afskriftir, skatta, gjöld og fjármagnsliði (EBITDA) var hins vegar 240 milljóna króna tap hjá félaginu.

SAM ROCKWELL & ANJELICA HUSTON

FRÁ HÖFUNDI FIGHT CLUB

"SJKLEGA FYNDIN OG HARBEITT KÖMEDIJA MEÐ SÖDAHUG!"

WINNER SPECIAL JURY PRIZE SUNDANCE 2008

CHOKÉ

FOX SEARCHLIGHT PICTURES
and ATO PICTURES present A CONTRAFEM / ATO PICTURES production
in association with ARADO ENTERTAINMENT FUND
SAM ROCKWELL ANJELICA HUSTON "CHOKÉ"
KELLY MACDONALD ROAD WILLIAM HENKE JONAH BORO
CASTING BY MARY WERNER COSTUME DESIGNER SUZANNE SMITH SHAWLEY
EDITED BY LYLE WYSEN KEVIN WENSTEN COMPOSER ANTHONY LARSON
EXECUTIVE PRODUCERS CATHERINE GEORGE JAMES JAY KLOTZ PRODUCED BY ROSHELLE BERLINER
DIRECTOR OF PHOTOGRAPHY TAD DOD EXECUTIVE PRODUCERS ANNE & RYAN DEBBIE FISHK
PRODUCED BY DEAN FLYNN TRIPP VINCENI JOHNATHAN DUFFMAN TEMPLE FENWELL
BASED ON THE PLAY BY CHUCK PALAQUIN WRITTEN FOR THE SCREEN BY CLASH GIBBO
AND DIRECTED BY CLASH GIBBO
STORYBOARD PROVIDED BY AVIDIO VISUALS

græna ljósið

Frumsýnd: **3. apríl**

Hvar: **Háskólabíó**

Ekkert hlé á góðum myndum!
Skráning á póstlistann margborgar sig - www.graenljosisid.is

GLEÐJUM FERMINGARBÖRNIN!

Pioneer

PIONEER-DV-310

DVD SPILARI - AF ALLRA BESTU GERÐ

Fjölkerfa DVD spilar með DivX · Spilar DVD, VCD, SVCD, CD-R/RW og DVD-R/RW diska · Spilar MP3 og WMA tónlist · Sýnir JPEG myndir, MPEG · Spilar bæði PAL og NTSC · Tenglar: 1xUSB að framan, 1xEuro-SCART (RGB), 1xComponent out, Digital coaxial hljóð út · Fáanlegur svartur og silfurritaður.

VERÐ KR. 14.900,-



SHARP

FLOTT HLJÓMTÆKJASTÆÐA Á GÓÐU VERÐI

SHARP-XLUH25H



· USB afspilun · Hljóðstyrkur 2 X 10W RMS · Spilar MP3/ WMA / CD -R/RW · Tvískiptir hátalara

VERÐ KR. 27.900,-



DS Leikjatölvan frá Nintendo

– ein allra vinsælasta leikjatölva heims!
Stórkostlegt leikjasafn fyrir alla aldurshópa.

Nintendo

NINTENDO DS

Fæst í bleiku, svörtu og hvítu
VERÐ: 25.900 KR.

ORMSSON

VERSLANIR UM LAND ALLT · SÍMI 530 2800